



Claudii Fleurii Abbatis Historia Ecclesiastica

Ab anno Christi 1581 usque ad annum 1589

Fleury, Claude

August. Vind. [u.a.], 1772

VD18 90118650

§. 75. Libellus Supplex Regi a Clero porrectus.

[urn:nbn:de:hbz:466:1-67246](#)

Sæcul. XVI. „rico felicis recordationis secundo sex
A.C. 1584. „omnino decimæ Clero fuerint impo-
„sitæ: ast præterea considerandum,
„quod tum adeo gravis obversata sit
„necessitas, ut hostis jamjam præ fo-
„ribus, ac regnum proximo periculo
„expositum esset: si idem quoque ur-
„geret eventus, etiam calices, atque
„argentea Ecclesiæ vasa pro Regni in-
„columitate venderemus: verum cum
„eiusmodi necessitas nequaquam nunc
„instat, perniciosi exempli res est, bona
„Ecclesiastica ad profanos usus impen-
„dere. „ His dictis Archipræsul ora-
„tioni suæ finem imposuit, hæc sub-
„jungens: „Majestati vestræ suppli-
„camus, ut ad proxima Cleri comitia
„hujus negotii decisionem remittere, vel
„trecentis librarum millibus, per quæ
„vendita Ecclesiarum bona redimantur,
„contenta esse velit. „ Perceptis hisce
„rationibus Rex nonnisi unicam exige-
„bat decimam, quæ solitis duabus so-
„lutionibus penderetur, alterum vero
„caput de redimendis Ecclesiarum præ-
„diis condonabat.

§. LXXV.

*Libellus supplex Regi a Clero por-
 rectus.*

Sequenti die decima nona Julii Clerus
 una congregatus Regi libellum sup-
 plicem

plicem porrigebat, quo sacrum Ordi- Sæcul. XVI.
A.C. 1584.
nem ab omni nova exactione immu-
nem servari rogabat, simulque preca-
batur, ut pacta circa solvendos Præ-
torii redditus inita ad effectum deduci
juberet, aut contractus, quibus Eccle-
siæ bona inique fuerunt divendita, re-
scindi permitteret, ut ex recuperatis
hisce bonis tercenties quinquaginta
librarum millia pendi queant, hancque
pecuniam colligendi potestatem Rex
quibusdam deleget: verum ad hæc re-
spondit Henricus III. quod hos contra-
ctus rescindi, lubens concedat, dum-
modo currente hoc anno una decima
cum dimidia, seu centies quinquagin-
ta aureorum millia præter alia centum
ejusdem monetæ millia in proximis
Cleri comitiis pendantur: cum ergo
Clerus hanc vexationem haud meliori
modo redimere posset, tandem Regis
petito annuit, hacque ratione die de-
cima sexta Augusti suis comitiis finem
imposuit.

§. LXXVI.

Andegavensis Ducis obitus.

Idem Rex hoc anno Andegavensem Thuan. l. 70.
Ducem Fratrem suum, die decima Journal de
Junii defunctum, amiserat, exiguo pror- Henric. III.
sus ipsius luctu, ac mærore: porro hic t. I. p. 70.
idem Dux nonnisi triginta ætatis suæ
Hist. Eccl. Tom. L. K. annos,